


廣濟李真人經

風陵文庫

文庫19

F301



廣濟李公經

民國甲子年冬月
善書流通處藏版

勅封廣濟宣威靈感李公真人傳

真人姓李諱育萬字子靜道號玉峯山人
一號紫霞楚南長沙縣人也世居瀉化都
以耕讀為業真人生於前元至大四年辛
亥七月二十六日母夢摘桃實二食其一
懷其一遂有娠生之日香風四溢異鳥和

鳴。真人幼謹訥。寡言笑。不與羣兒伍。稍長。就鄉塾。目數行下。暇則整衿端坐。一日問於塾師曰。若何而為聖賢。師曰。讀書。曰。我今讀書。何不為聖賢。師曰。尚幼。又曰。師何不為聖賢。師無以應。而心竒之。及長。博涉三教。慨然有出塵志。事親孝。親偶疾。顛天

求以身代。疾得間。真人曰。醫術地理。雖為小道。人子不可不知。遂精究岐黃。及青烏家言。皆造極。親考終。哀毀骨立。廬墓悲啼。聲感林鳥。服闋。負藥籠。流覽山水。行藥四方。不計貧富遠近。凡疑難症。叩之無不應手。愈。一日遇周野仙。論黃庭內景之旨。自

以為弗及。遂師事之。隱修妙行。深造有得。尤好讀參同悟真道釋諸典。神遊諸仙境。問答玄奧。暇輒筆而紀之。及平日悟道之詞。居然成帙。常自秘藏。人罕得見。外示癡愚。人與言。初苦莫解。事後輒有驗。鄉人益敬憚之。有妹。年及笄。許字唐姓。不樂塵俗。

慕兄所為。真人與之密談藥珠七言之秘。妹亦精修。有得真人年三十二。遂辟穀不食。一日謂其妹曰。游渡河有三茅將軍祠。側有潭。潭有龍。將隨風雨出。出則害不小。吾當往制之。遂負藥籠行。三茅將軍者。獵人所祀神也。塑像極猙惡。祠處山顛。樹木

陰森。每見怪異。非祀日。人不敢入。以故無住持香火。真人過。愛其形勝。輒遊憩其間。自是不復返。家人以其行藥遠遊。不之怪。妹仙姑曰。兄其先我行乎。農隙。獵人將有事於山原。縛牲往祀將軍。入其祠。見真人危坐其中。塵積於巾。大驚異。奔告其家。妹

仙姑曰。兄果先我行矣。遂謂諸人曰。吾兄已證大道。福爾鄉人。可卽其地為龕。以奉吾。不久亦當追蹤也。鄉人遂告於有司。奉其遺蜕於祠中。四肢屈伸如生時。貌溫和。眼上視。身挺坐。不稍敬。求病請茶者。日常數百人。靈驗昭著。不能殫述。每禱雨。見潭

中雲起。卽霑足。因名曰龍潭山。妹仙姑亦坐化於石灰嘴。遺蛻現存。靈爽侔於真人。前明藩王。封真人為護國佑民金紫光祿大夫。國朝偶旱澇。祈之立應。道光乙酉。雨澤愆期。邑侯於城立壇請真人入城。甫昇輿。雷聲細雨隨之行。登壇甘澍大沛。田禾有秋。撫軍嵩據實奏請。

勅封廣濟真人云。

按縣志載真人兄妹無名字云。各食仙桃。師事周野仙。遂成道。茲所記蓋得之故老及諸仙跡。其真人祖先父母真人家譜載之甚詳。傳聞不一。未敢臆說。故

闕之

刊經原序

嘗聞有德者必有言又曰文以載道三教
 聖賢功用雖各不同而其所以訓諭後人
 者莫不以忠孝方正為大本使別有所云
 云則波旬曲說非正論矣 真人生於元
 代隱修妙行肉體成真歷數百年生炁勃

勃茲復恭逢

聖代榮膺

封號亦無非弭災救患護國佑民所致因
思一代 真人必有著作尋訪多年紛紜
其說此經得自羽士舒太無其原序云
真人道成之後每神遊仙境憫念蒼生與

諸高真談論道要歸或筆之於簡以授諸
徒故其首章敘述和神妙域消劫拯患往
返問答之詞其大旨仍勗人以忠孝方正
而以靈章敷陳丹法自非真仙莫能註釋
其次章乃 真人平日論道之語有似老
子道德經乃其弟子退而記之者是以備

述諸感應既見是經反復讀誦雖屬道氏
之微言實與吾儒教孝訓忠盡心養氣之
義無稍分別其維世牖民之心至深且切
遂抄呈笈卜冠以

封號與及門諸賢於其名號之下增以真
人等字以示尊崇餘諸未敢增損一字付
梓刊行以為勸善之一助夫忠孝方正人
之大本為仙為佛不外乎茲讀是經者使
能仰體 真人之心克盡倫常廣行方便
其災殃遠避百福駢臻可操券獲也是為
序

時在

道光十四年正月上浣之吉旦

奉真弟子謹序

刊經原跋

粵稽佛有三乘名留青簡仙傳十種道衍
黃庭五千言天花散綵筏渡迷津百萬卷
秋水凝神繩開覺路華嚴秘誥俱載龍章
道德真言都歸象教自古山川發跡不乏
奇人於今天地鍾靈豈同凡品緬維

廣濟宣威李真人者記姓則青蓮紀異真
果完修分支則朱李同源仙根夙種興雲
沛雨黃麻來

北闕之褒封說法度人紫誥切南湖之景
仰若乃聲靈赫濯常驅旱魃之災神德昭
彰永錫生民之福重刊真諦因深懷高厚

之恩爰述俚言聊達此酬報之意

時在

咸豐元年歲官辛亥吉日穀旦

奉持弟子敬跋

志心皈命禮

長沙逸士。元代名儒。山林樂大道之真。兄
妹得金丹之秘。龍盤虎繞。結成黍米之珠。
兔唱烏吞。養就嬰兒之相。證果在龍潭山
高處。五百載法貌宛然。得道紀元至大初
年。三千劫真形永駐。驅雷佈雨。澤及三農。

捨藥施茶。恩周萬姓。四野頌長生之佛。

九重錫尊顯之名。聖德巍巍。莫名莫擬。

威靈赫赫。難量難窺。大悲大願。大聖大慈。

敕封廣濟宣威靈感李公真人。

志心皈命禮

長沙星煥。衡嶽靈鍾。至孝純貞。抱一樂山。

林之隱。濟民利物。涵三窺玄妙之宗。神遊

仙境。究道德之真詮。慈念蒼生。說保運之

秘典。現本來面目。玉骨金庭。即空即色。參

天地造化。甘霖妙藥。如取如攜。女弟同昇。

恍惚茅匡之昆季。祖桃共舉。依稀唐許之

高風。億兆頌再天之功。九重錫尊榮之

言諸聖經要
號聖德難量。神功莫擬。大悲大願。大聖大
慈。

敕封廣濟宣威靈感李公真人

開經偈

真人修證在龍潭

普放神通徧十方

保運消災兼度劫

法門真一廣宣揚

勅封廣濟宣威靈感李公真人說保運度

劫更生集福真經卷上終

道言。昔於始素天中。九道元年。庚子正秋。
太上玄元道祖。道德天尊。降於丹邱浮黎。
不夜永晝之鄉。和神冲寂。虛無妙有之境。
是時

廣濟宣威靈感李公大真人與凌霄梅真人化鶴蘇真人桂陽成真人滄苓瞿真人處靜陶真人清微易真人天門王真人清虛王真人九華仙伯田真人西城總真王真君碧落侍郎慈和李真人太素祥和沈真人隨九州都仙大使高明太史神功妙

濟許真君太極左公金闕上相葛真君一元無上薩真君三天扶教輔玄體道張真君玉清上相玄元帝君雷霆上宮清靜妙圓大真人及諸金仙真人甚眾言拱立班行靜參玄妙是鄉居南極之中廣袤三萬七千餘里上有流金真精洞煥照耀常如日

午。無有昏夜。四時景候。恆若三春。無有寒暑。以是義故。是曰不夜永晝之鄉。亦曰和神沖寂之國。四周環海。無有邊際。其水至柔。舟筏莫載。山有層巒。巒嶂峻嶺。崇峯水有三河七湫。映帶迴環。木有聚精返魂。竹實松子。楓叟筍稚之屬。果有雲芝。瑤筍。紫

其黓琳葩。碧桃赤柰。交梨火棗之類。寶有珊瑚火齊。瑋渠琉璃。碼腦水晶。金玉之珍。凡夫麒麟。騶虞。獅子。犀象之獸。青鸞。丹鳳。玄鶴。彩鴛之禽。天無浮翳。地絕囂塵。

太上以流鈴赤虎之符。坤凝泰合之寶。盛以赤玉之匱。蒙以絳錦之囊。以安鎮之。其

地下無所基。浮於水際。

太上復命巨鼇。恢靈神君。舉首負戴。因符寶故。堅固莫靜。無稍動移。復有金闕雲宮。瓊樓寶閣。玉陛珠扉。琳欄貝級。為元都之會府。真仙之福地。

上帝命桐柏王真君。休復陳真君。道笈李真君。君安劉真君。長生陰真君主之。佐以真仙二百五十人。復命雷部火司汪真人。神霄太宰白真人。統五百靈官。神兵將吏。巡檢其地。

太上玄元道祖。道德天尊。三歲一度。以降臨焉。凡以考核諸仙升降之階。學人功過。

之籍。四大部洲。劫會元運之期。自非真仙。莫有至者。

爾時

太上玄元道祖。道德天尊。安坐鬱羅蕭臺之中。森羅淨露之上。七寶金蓮。玉局玄座。手舉五明寶拂。慨然嘆曰。爾諸真仙。超凌

三界。集會靈區。怡樂天真。悟參玄妙。皆大因緣。皆大福慧。昨在玉清天中。與元始天尊。及四神七曜。諸天帝君。推校玄圖。檢閱黑籍。哀此下民。實堪憫恤。時廣濟宣威靈感真人。出班詣陛。稽首再拜。秉笏恭敬。白太上玄元道祖曰。天尊大慈。天尊

大聖臣以譎劣。綴讀班聯。適聆聖語。下懷
怍怍。不揣瀆煩。容臣竟說。

天尊曰。汝以醇靜。克證仙班。功在人寰。名
書天闕。既有所陳。汝其復次。可竟其詞。廣
濟。宣威靈感真人。再拜而起。復侍前次。鞠
躬謹肅。復白。

天尊言。臣質迂疏。臣學淺陋。玄元竅妙。蠡
測管窺。但聞民為邦本。食為民天。民失其
天。民無以為生。邦失其本。國無以為國。伏
睹下界人民。役體勞形。手胼足胝。日昃靡
安。鷄鳴而起。生計艱難。躬備辛苦。迺或亢
陽肆災。旱魃為虐。烈日爍金。流火銷石。泉

竭源枯草。燃木熾大田。小田一望成赤。或
海若失經。陽侯鼓浪。魚鼈游蕘。鱗介泳樹。
家室付之洪波。田園委於巨漲。或螟螣蠹
賊害稼。戕苗或赤鼠紅鴉。燎原燔舍。或饑
饉刀兵。地震山摧。蛟興虎噬。死殤困苦。委
壑餐鳶。巖巖白骨。黯黯黃沙。慘目傷心。如

是為特。臣本楚人。桑梓呼籲。不自度德。激
龍起雷。施霖佈澤。晝江制崇。靖浪平瀾。弭
患拯災。攝毒療疾。然補苴事後。拘限方隅。
蜂但負花。蟻惟戴粒。力薄事微。幾希裨益。
緬維天尊。天人宗仰。道德依歸。聖力神工。
莫可擬喻。倘垂金臂。拯救羣氓。如水載木。

重訂皇極經世一
如火灼枯。彈指之頃。拾芥之易。赤子黔黎。咸登衽席。是時真聖。異口同音。俱發聲音。惟願慈悲。俯念蒼生。特垂拔度。

天尊曰。善哉善哉。天地定位。陽舒陰慘。陽動陰靜。常則為祥。變則為異。水旱蟲蝗。瘟疫饑饉。山崩地裂。兵戈疼痛。是皆陰類。靜

反為動。汝諸仙真。但見下民。憂悲苦惱。疾病喪亡。不知致此。實有其由。夫劫運會期。有由氣數。有由人致。譬如天地。時當冬夏。酷暑嚴寒。盡人同然。莫之或異。此天為也。乃有病夫。寒熱失常。是非寒暑。偏於斯人。病為之也。蓋劫運之數。天有陽九。地有百

直言聖紀車馬
六陽極於九。極則陰生。陰極於八。極則陽生。天陽數奇。地陰數偶。故陽九天災。百六地厄。當是之時。此已至極。而彼將生。陰陽交遞。刑德互臨。黑風飄蕩。異氣充塞。倒岳摧山。塵迷無際。地水火風。席捲并起。屋宇底沉。樓臺傾覆。蠢動含靈。寂寂默默。六天羣魔。紛紜擾攘。極則必還。往無不復。賴有高真。至聖神人。為之轉旋。為之斡運。由否而泰。反剝為復。陽九百六。復有大小。大則災重。小則厄輕。天地不知。任其自然。是為氣數。運會值逢。今茲推校。迥非其時。玄象健和。坤輿柔順。極星炳煌。輔弼輝煥。執法

平正。慧孛歛藏。六天魔王與諸眷屬。休息
潛隱。無敢肆張。

上帝復遣九天採訪使者。統率糾察大夫。
巡行四極。分檢八紘。指核神祇。糾彈岳瀆。
慮或逞恣。自為威禍。凡厥庶民。宜當熙皞。
咸亨戩穀。而不免流離者。人實感召也。爾

時眾真鞠躬上告。願樂欲聞。

天尊曰。玄元祖炁。恢漠渾融。充塞兩間。磅
礴四大。天得以清。地得以凝。人得之而生。
成。萬物得之而化生。物得其偏。人得其正。
無聖無凡。無賢無愚。此炁同稟。無少厚薄。
此炁流佈。則為甘雨。則為和風。則為慶雲。

則為景星。上士擴充保固。而成聖真。世人
迷昧剝耗。以致喪亡。此烝見端。心為之用。
嗟爾下民。元烝牯亡。舍本逐末。利之一字。
痼蔽天真。人臣擇利。不忠於君。人子重利。
不孝其親。兄弟為利。鬪牆分荆。夫婦固利。
鮮有義貞。朋友見利。嫉妬立形。商賈農圃。
士宦庶民。僧道尼巫。蚩蚩羣生。利之所在。
使心用心。狡詐奸貪。殺盜邪淫。一夫苟獲。
趾高氣盈。奢侈敗度。蕩佚越倫。羣起羨之。
奉為典型。貧者諂富。富以驕貧。秉彝正烝。
消磨幾存。以致慘氣瀰漫。偽風扇熾。里社
隍司。旬告月彙。三官鼓筆。太乙列條。

上帝悲憫。陽懲陰戒。祖孫相仍。村郭相類。
日積月深。曾無悔悟。以致釀成。刀兵水火。
瘟疫饑饉。容有忠孝。節義正方。自有叭吒。
神王。鵬麟尊聖。保佑生全。監臨護度。苟或
非然。莫之能追。民哉民哉。誰使然哉。上天
好生。大道惡殺。豈忍流離。以致茲乎。爾實
召之。而誰咎也。

爾時

廣濟宣威靈。感真人。出班俯伏。再拜而言。
道聆聖訓。略識端倪。蠢茲下民。咎由己作。
天尊適言。上天好生。大道惡殺。茲欲度之。
何道而可。惟願慈悲。俯示拯援。以甦劫會。

天尊言曰。汝今利濟。請問慇懃。吾亦何惜。不為指明。汝其平身。大眾諦聽。廣濟宣威。靈感真人。稽首復位。與諸真聖。聳耳靜默。天尊曰。弭災救患。先正人心。人心一正。正氣自還。正炁一還。戾氣自息。杲日當空。陰邪消匿。憶前龍漢。延康。吾於太赤宮中。與

十方諸天帝君。推論劫會。時有慈和妙寶。法橋大度真君。哀念下民。如汝請問。時元始天尊。大啟慈衷。勅開玉笈。付以保運。度劫靈章。令其傳播。自茲國土。時和民康。爾當敬恩。吾為宣說。太上保運度劫靈章。曰。

始素初易

洪濛杳冥

氤氲混沌

聚精毓神

元精元陽

離合成魂

紅離透景

晃曜晶明

九炁澄輝

金碧空青

雲光龍光

瑞彩繽紛

赤霞流映

洞陽鬱晶

互待含育

太淵玄英

運度推遷

鬱儀結璘

扶桑九炁

青童帝君

朱陵廣壽

三炁赤文

太華素景

七炁皓靈

鬱絕五炁

太微玄冥

一炁保劫

混合洞清

懸象注射

大輿育形

金華樞紐

天地寶珍

提攜併羽

招魄攝魂

留光聚寶

洞煥開明

紅璃籠罩 璧合環循 五星聯珠

和合五行 虎龍傍侍 龜雀停勻

文章統錄 詰責亢盈 三台下輔

蓋華上臨 天神地祇 升降下昇

三光合度 治國太平 旋箕歷斗

定紀執衡 紫壽紫霞 紫極紫神

青埃翠蓋 青陽紫真 萬乘立極

變化飛騰 萬神贊嘉 內照隱明

太玄三一 絕障除祲 握魁持杓

策召鬼神 六律均調 兵革不興

蒼胡頡寶 旋乾轉坤 天香普濟

開眾妙門

天尊言此保運度劫真文昔在上天不立
文字天真皇人招聚靈風佈攝正炁雷聲
隱隱電光熠熠於雪山頂上鼓鑄斯文字
皆雲篆神符莫可窺測視之不見聽之不
聞搏之不得乍存乍亡乍浮乍沉混合太
無自然成章天真皇人珍護斯文澣以清

和之液載以素錦之巾勅命赤龍神王奉
身應變成駕虹橋金華玉女捧度東還歸
於洞清靈虛之府蓬壺神室之中每於日
月合璧太乙司命青童仙妹披甲執爿臨
爐祕咒曰

太初太玄 巍巍梵天 白虎熬樞

青龍烹煎 千和萬合 融浹自然

三花離便 五炁迴旋 旋箕歷斗

陰陽混元 天蓬天蓬 命寶綿綿

急急如律令

如是修煉七千二百度。瓊輿碧輦。虎嘯龍吟。飛靈走聖。鬱勃紫雲。昇於金闕。彌羅上

宮。

玉皇勅命。南丹真老。佑聖真君。祕題密掌。禁戒森羅。歷三萬劫。神化無方。

玉皇上帝。保毓斯文。謂為無宗妙寶。保運靈章。救患拯災。更生永命。如風掃塵。如覘消雪。此太微之至寶。玉清之玄言。汝其闡

揚。擇地擇人。傳之下世。以濟斯民。
天尊言畢。一時仙仗齊興。鸞鳳鳴唱。琳琅
并奏。彩雲映山。萬聖千真。咸大歡喜。寶座
浮空。返乎聖境。眾真輔翼。瀾滿雲衢。是時
廣濟宣威靈。感真人敬錄其文。稽首跪送。
宣佈玄科。明彰感應。而說贊曰。

大哉至道	恍惚杳冥	元皇正炁
天清地凝	甘雨和風	景星慶雲
蠢茲下土	凡厥庶民	以利為念
以偽棄真	慘霧邪氛	感召灾祲
刀兵亢旱	水浪奔騰	瘟癘飢饉
流離苦辛	天尊大聖	為說真文

保運度劫 濟世佑民 吾茲宣佈

萬眾同欽 敬之敬之 毋貳爾心

勅封廣濟宣威靈感真人說保運度劫更生集福真經卷上終

勅封廣濟宣威靈感李公真人說保運度劫更生集福真經卷下

是時

廣濟宣威靈感真人敬捧其文離丹邱境乘虛御風返龍潭山上重宣妙理謂其大弟子靈寶體元真人護正輔元真人一陽

贊元仙使。希元士人等曰。此經微奧。超越諸文。範圍天地。包羅萬象。無時不然。無物不有。吾茲為汝。推宣其義。爾時諸大弟子。咸各稽首。諸樂欲聞。

真人曰。太和元炁。樸樸渾渾。質而不華。素而不文。無物不有。一物無形。寂然不動。感之則通。如彼孩提。天真爛漫。或號或笑。無有成意。金玉非寶。王侯失貴。不知牝牡。思念蛟作。眼瞳光溢。肌肉脂潤。毒蟲不螫。鷲獸不搏。是知元和。為造化貫。

真人曰。聖人治國。非以智民。實以愚之。愚則易治。智則巧生。巧則偽亂。盜賊孔多。昔

人有言。號令滋張。信從必寡。王侯能守。萬物自賓。故無為之化。順性之績。自古迄今。莫之與比。

真人曰。天地無恩。而大恩至。以何故焉。上德不德。是以有德。下德執德。是以無德。民之致死。以其求生之厚。民之致禍。以其求

福之深。故澹於物者。厚其身。亡於心者。有其身。奸巧詐偽。希利謀祿。將以奉身。身得所奉。其心必傷。心傷。身其能獨存乎。故大道重內而輕外。

真人曰。盈天地間。惟此一炁。炁生天地。炁生萬物。卽物言炁。其炁具在。執物為炁。炁

不可得。求陽伏陰。求陰伏陽。恍惚杳冥。莫知其鄉。至人測之。得炁獨真。既得其真。為萬物祖。為天地先。石可以飛。水可以燃。宇宙生乎手。造化生乎心。是曰先天。先天即天地莫能違。天地且莫違。而況其他。是知真人神仙。非有奇工異術。順自然耳。

真人曰。天地無心。萬物化生。珍禽奇獸。異卉靈蟲。或黃或白。或赤或黑。萬有悉具。不見涅槃。不見雕琢。任其自然。生化不息。若物物而自為之。吾見其必竭矣。奈何世人欲以有為。而勝天地。窮智殫慮。形靈神敝。不見有濟。將隨萬有。同歸於盡。我尚非有。

其他何益。

真人曰。形非神不生。神非形不立。神舍在心。神機在目。神之不凝。由心不靜。神之不靈。由心多欲。孰能常應不存。常虛不積。舍宅清明。主翁自安。君王有道。家國太平。故機忘於目。神無所奪。心忘於身。神將自貞。

昇天入地。蹈火沉淵。貫金透石。飛形馭景。神之為用。莫可測量。神在形全。神化形妙。形神俱妙。與道合真。

真人曰。寒暑往來。歲功斯成。風雨鼓潤。萬彙乃生。三百六旬。大寒大暑。烈風驟雨。常於明和。十不及一。是知和氣為天地貴。奈

何世人。剛強暴惡。忿怒肆殺。是謂逆道。魚躍於淵。虎號於山。宜罟刀杖。將隨以制。木強則枯。木柔則生。柔枝居上。強本居下。是以大道貴柔賤剛。

真人曰。天道好還。往無不復。積陰必久。明久晴必霽。雨善射者亡於矢。善秋泗者溺於水。逞肆胸臆。危人自安。自以為巧。不知報復。將倍其償。拙孰甚焉。

真人曰。神者陽靈。鬼者陰靈。鬼虐於陰。神得而誅。人虐於顯。法得而誅。陰邪奸滑。隱微凶惡。與鬼為徒。謂人莫測。詎知鬼神狎侮。鋤擊陰陽之靈。得而誅之。人不能外於

天地出於陰陽。僥倖為惡。以希厚福。沃冷
用冰。除熱以湯。冒目擒禽。掩耳盜鈴。獲罪
穹蒼。益見乖張。故大道尚德而慎獨。

真人曰。天下萬有生於無。復歸於無。無者
神炁。有者形質。損有奉無。有可常有。世人
損無。以奉其有。卒之其有。終歸於無。七政
運行。山川峙流。天地無心。不為形謀。天長
地久。不紊不休。是知色色。即為空空。空空
空色。色色空空。空色俱泯。渾然無極。是謂
真人。

真人曰。吾今所說。即是保運度劫真文。確
實真義。王侯奉之。國祚綿長。太平有慶。大

夫士人能奉其文。家安身泰。晉秩保盈。道士上人。依法修奉。脫離塵濁。白日飛昇。匹夫下士。章中得句。體會奉行。保命度災。壽考康寧。蓋是經義。不可思議。感應亦不可舉量。汝等勿謂是此感應。有所作為。莫作是說。以何故焉。試觀杲日。麗於中天。極覆盡載。咸睹光明。或朝或市。或山或澤。或人或物。或作或息。各遂其生。各成其事。何嘗有心。作為利益。是經感應。亦復如是。爾時諸大弟子。推廣其義。縷列明著。復為說曰。如是我聞。

真人曰。兩間真炁。氤氳化育。天體清虛。動

而施與地體重定。靜而承受。天地相合。以
降雨露。五方異宜。春秋異候。測土等田。是
樹是藝。一或乖之。則為旱澇。若欲治之。責
己詰政。悔過迎祥。建立道場。遴擇羽士。齋
戒誠潔。諷詠是經。六時行道。皈命真人。當
以定力。激召雲龍。考制山川。旱則立霽。甘

霖。澇則立遏。霖雨禎祥。普被大有豐年。

真人曰。坤體至柔。其動則剛。陰極生陽。神
化無方。中夏五嶽。及諸名山。內蘊正炁。主
利有常。天氣下索。蒸而為雲。散而為雨。吹
而為風。激而為雷。內有真靈。主督其政。炁
鬱不舒。則為飄風。則為暴雨。甚則山摧水

湧石轉地裂。蛟蜃族類隨。之以興。壞廬敗
稼。蕩廓傷民。若欲治之。毋蔽上聰。毋枉冤
抑。毋殺降順。毋愛包苴。如式立壇齋戒。誠
潔。皈命真人。諷詠是經。卽當元和燮理。土
地奠安。山川效順。四民樂業。

真人曰。火生於木。禍發反剋。或燥風亢陽。

或修作犯忌。或穢污瀆觸。或盟詛咒誓。熒
惑肆災。祝融降禍。火龍火馬。火鴉火鼠。赤
幡靈童。絳帛大將。火部神祇。燎焚廬舍。若
欲己之。毋肆嚴酷。毋恣胸意。如式結壇齋
戒。誠潔。皈命真人。誦詠是經。當卽銷患未
萌。弭禍為福。如大正熱。志心祈許。聲揚法

號。卽時反風熄焰。飛雨拯災。

真人曰。潢池弄兵。山崗蠢動。跋扈跳梁。邊陲伺便。雖由小醜。造端起衅。亦有乖氣。為之鼓盪。以致蟻聚蜂屯。游釜結隊。若太白。若毛頭。若長星。若天狗。是諸凶曜。照臨幻化。荼毒生靈。焚劫戕殺。若欲已之。救弊補偏。安良禦侮。如式立壇。皈命真人。誦詠是經。卽得元凶授首。脅從解散。玉燭調和。金戈歛息。

真人曰。五方沴氣。鬱而不伸。或久雨暴明。或久明驟雨。是諸鬱氣。乘之以興。傳佈流行。則為疫痢。中入腑臟。病症各異。或偶染

立亡。或沿門徧境。甚或災及犬馬牛羊。雞豚鼠雀。若欲已之。於其境內。本年所值太歲宮氣。掘為深坎。以諸柴草。燒焚務熱。沃以醇醪。澆以苦酒。令氣薰蒸。如雲如霧。卽於其地。建立壇所。皈命真人。誦詠是經。卽時六天震動。魔山傾頽。疫痢普消。同登壽

域。

真人曰。至陽赫赫。至陰肅肅。陽舒樂生。陰慘樂死。六天羣魔。夜叉羅刹。游魂厲鬼。魍魎精魘。影脅夢逼。邀祀求代。採生占廬。迷幻鼓誘。若欲治之。居常守正。遏邪禁妄。於其廬舍。植立高竿。上懸明燈。淨掃廚室。以

重訂皇經要
俱妖孽。種種情狀。告於竈君。及諸祠廟。至
於七日。增置一燈。宣告一次。或一七二七。
至於七七。或在觀宇。或在家庭。如是立壇。
皈命真人。誦詠是經。當見九天大神。掃蕩
羣魔。馘除醜類。宿債冤牽。咸與解釋。各遂
生成。陰消陽長。

真人曰。五行之炁。分度推遷。生剋盛衰。方
隅定位。土煞土妖。有形有物。或渾淪塊肉。
多目腥膻。或為犬子。或為羊羔。或為巨首。
或為大掌。倏隱倏現。或嗥或哭。形狀怪異。
難以悉舉。世人削築。一或犯之。即致凶邪。
侵擾。人產喪亡。若欲已之。反躬修德。節費

愛人。如式立壇。皈命真人。誦詠是經。卽得
災煞潛平。吉祥臻集。

真人曰。天地鬼神。森嚴鑒察。賞善罰惡。如
影隨形。是以君子。隱微慎獨。如降如臨。或
有世人。上觸天嗔。標旗懸影。或犯神怒。攝
魄拘魂。當卽望空。虔誠懺悔。如式立壇。皈
命真人。誦詠是經。天道禍淫。特寬悔罪。明
神示罰。予宥自新。卽得雷籍削名。神魂復
正。

真人曰。君子却病。是以常安。世人縱欲。不
知養生。勞心役神。恣淫嗜酒。內耗精神。外
傷形體。癆瘵癰疽。風寒暑溼。種種疾病。醫

藥無功。展轉牀衿。呻吟待斃。若欲治之。悔
過省愆。放生作福。於其靜夜。稽首北辰。三
台尊帝。斗府諸真。或本命日。或擇良辰。如
式立壇。炳燃燈光。象斗真形。花香酒果。供
養誠潔。皈命真人。誦詠是經。賊星耗曜。立
時斂藏。天醫加臨。三台化吉。沉痾立起。壽

命延增。

真人曰。訟則終凶。大易垂戒。始於牙角。漸
成固結。欄杆貫索。陰錯陽差。積年累月。此
息彼作。若欲己之。當卽怨艾。屏遠暖撥。損
己讓人。撝謙作德。如式立壇。皈命真人。誦
詠是經。卽得禮讓風行。訟獄平息。

真詩聖經輯要
真入曰。陰陽二炁。絪縕化生。胎孕產育。果
熟子成。或有婦女。時當分娩。驚惶憂懼。妄
促強催。致身氣血。未能流佈。神驚則耗。氣
凝則滯。鬼魅克邪。乘機侮弄。遂成難產。若
欲治之。是其親屬。諭令當產。毋恐毋怖。安
眠靜卧。神魂澄正。邪無由入。是其夫子。或
於神廟。或於家庭。皈命真人。誦詠是經。母
子平安。產生順適。

真人曰。是經感應。不可思議。今略說之。可
以類及。我若具說。世人惑亂。狐疑不信。汝
當奉持。克躋大道。爾時諸大弟子曰。是經
功德。未易舉稱。遵法皈依。果報立應。經中

言言星紀轉要
所云。叭吒神王。鵬麟尊聖。保佑忠孝。護度
節義。是彼二神。云何威力。侔於是經。

真人曰。斗中有聖。曰孝弟王。在日為仙王。
在月為明王。首冠七辰。龍袞鳳裳。赤烏纓
絡。為

上帝賓。叭吒鵬麟。神工猛烈。捷如律令。力
過龍象。翼衛巡行。浮遊三界。主持下方。孝
子悌弟。忠臣義士。遇災度災。逢劫免劫。在
昔

九天七曲文昌元皇帝君。宏宣其化。演經
垂教。位為至真。曲阜蘭公。許真敬之。吳真
世雲。蘇君任之。皆修其道。而為上仙。忠孝

至天。則日月明。慶雲見。甘露降。歲星煥。忠
孝至地。則醴泉出。靈芝生。四時和。五穀熟。
忠孝至物。則麒麟見。白兔出。玄豹馴。鳳凰
集。是諸惡氣。孰敢干之。故曰大劫當前。賢
者獨免。爾時諸大弟子曰。弟子慶幸。得聞
是經。奉持誦悟。信可勉行。若有下界冥頑
眾生。不信是經。甚或誹謗。此等眾生。應得
惡報。惟望明示。以儆凡愚。

真人曰。人之於道。如魚於水。魚棄其淵。則
刀砧烹炙。隨之矣。人離其道。災殃惡業。不
可想見乎。劫會感召。由於若人。使人盡向
道。人盡樂善。其經其文。其人其會。并可不

有。同歸太無。爾時諸大弟子。以偈贊曰。

至哉真人 無等無倫 濟民利物

接引羣生 大周天地 細入微塵

光明妙有 流煥法輪 大慈大悲

救苦救難 上靈上聖 蕩蕩難名

願諸因緣 皈命是經 超凌三界

世為真人

讚畢。是時道場大眾。三界萬真。天龍八部。咸大歡喜。信受奉行。

太上保運度劫更生集福真經卷下終

鄔家瑞捐洋拾元正

怡昌洋貨號 曹成義堂 趙謙德堂 嚴敦義堂 王昭興

以上各捐洋貳元

潘汝源 孔傳麟 金茅荃 羅紹章 吳明松 李云豐堂

王世清 王太真 王世華 李為盈 元利貞 賀代德

吳顯貴 劉藜燈 蔣同興 羅德順 周觀南

以上各捐洋壹元

